

Oèt ut laeve van un golde paar.



'N kort verhäölke oèt ut herinneringsbook van Hay en Tiny Smeets,

6 juni 2011.....50 jaor getrouwd..... un halve ieuw, waat unne tièd.

Un periode met beslis vuël leuke herinneringe en oèt die herinneringstäöt haol ik efkes aan:

13 Augustus 1983.

Messchien weit ge nog det Hay, toen "Henriëtta" geneump, in Augustus 1983 getrouwd is met unne wienboer dae Elias hoot. We hadde met Rapido un familiewiekend in de Wielder in Grubbenvors.

Met un groëte of kleine tent of hiël luxe met unne caravan hadde de Rapidoleeje zich geïnstalleerd rôndum de blokhut.

Jaomer genóg vindse van det stökske neteur noow niks mièr truuk.

Ut waar allemaol hiël primitief maar veur un paar daag waar det gen probleem.

Un aggregaat zörgde veur de stroom, as det oèt ging s'aoves bleef de maon gelökkig aan en idderein had un zaklamp meigenaome.

Die hadse waal nuëdig in ut duuster, anders loogse s'nachs zoè op dien gezich in ein van de kniensgate.

Ut drinkwater zoot in tanks en woelse dich un bietje wasse dan meusse stevig pómpe um un bietje naat te waere.

Ut wiekend-motto waar "**BOEREBROÉLOF**" en de meiste hadde eur boereklofje weer van de zôlder gehaald.

Beej un temperatuur van 30 gr. bisse dan in elk geval lekker werm aangetrokke.

Op zaoterdaag woorte d'r willekeurige groepe gemak en hadde we un oriëntatietoch op ut Wielder-terrein met opdrachte en spelkes.

Iddere groep meus un moej veldboeketje make en un versje of speech op pepeer zette.

Beej un boerebroèlof huurt netuurlik un broèdspaar en det beteikent fees.....

De organisatie makde s'middaags de rolverdeiling bekind.

Waat un verrassing, Hay woort de broèd en zien buurmaedje, (det waar ik) woort de broèdegôm.

Noow is ut gen probleem um van Hay un maedje te make want ut steit um allemaol!!

Hae kreeg un leuk boerekledje aan en un chique jeske met un bôntkraegske.

Met die augustus- temperature hoofse dan genne ozel te lieje.

Ik kreeg un 2 persoëns bóks aan en meus die aan de veurkant döbbel slaon en met spelde vas staeke, de bretels hele de bóks vaerder op de plaats.

Beej de trouwmis stônd Tiny naeve ut altaor as **St Chrisostinus met ut ermke**, unne heilige dae allein in Grubbevors bekind waar.

Mariet stônd aan de andere kant van ut altaor in bikini met unne 2-kleurige slaopzak um as de **H. Barbara**.

Geert hông aan ut kruuts as **Jezus** met Nora ziene aafdrueghanddoek as lendedukske.

Daags d'rop meus dao weer den aafwas mei gedaon waere!



Jacq as pestoër waar van teveure ingelich en ziene praek waar als volg:

's Leevenhièr, gaef dees boerepummels ut inzicht um beej de ièrste slach ut beste stök van ut verke naor pestoër te bringe.....Ame.

Wiek as vader van de broèd dach: die kinne mich wat met die hitte en deej de korte bóks aan ónder ziene slipjas.waat hièl pikant ootzoog.

Aan de kleier waar dus neet vuël oetgegaeve en de ringe ware beej unne doévemelker gehaold.

Maar de trouwakte waar ech en woort door de getuuge en de elders ónderteikent.

Jaomer, de akte waar nimmer te kopieere daorum un getypte versie.

Heden 13 augustus negentienhonderddrieëntachtig, verschenen voor mij, ambtenaar van den burgerlijke stand van "De Wielder", ten einde een huwelijk aan te gaan:

Elias van Elswijk, oud 57 jaar, geboren te Venlo, van beroep Wiënboer en wonende te Venlo

*onechte zoon van **Tiny Vercoulen en Wil Rippens** beide wonende te Venlo en in dit huwelijk persoonlijk toestemmende.*

en Henriëtta Smeets oud 17 jaar, geboren te Venlo, oudste beroep en wonende te Venlo

*onechte dochter van **Marian Beurskens en Wiek Janssen**, beide wonende te Venlo en in dit huwelijk persoonlijk toestemmende.*

De afkondiging van dit huwelijk heeft alhier plaats gehad.

De volgende stukken zijn overgelegd: het geboorte extract van den bruidegom, het geboorte extract van den bruid.

*Ik heb bruidegom en bruid gevraagd of zij elkander aannemen tot echtgenoten en zij getrouw zullen nakomen de plichten, door de wet aan den huwelijken staat verbonden.
Na hierop van ieder afzonderlijk een toestemmend antwoord te hebben verkregen, heb ik in de naam der wet en Pierre Vercoulen verklaard, dat zij door den echt aan elkander zijn verbonden.*

*Getuigen waren: **Carla Rippens en Noud Alsters***

Waarvan akte, welke overeenkomstig de wet is voorgelezen,

den burgerlijken stand,.....
En heejônder de nuedige handteikeninge en stempels netuurlik.

De ambtenaar van

De kleinere kinder snapde d'r gen jota van en vônde ut maar un rare bedeuning.
De trouwker waar gemak van Popehaspels die s'aoes op ut kampveur opgestook woorte.
Kint ge ut óg veurstelle, unne boerebroèlofsoptoch in augustus met 30 gr., dieke boerekleier aan, de bóntkraag um.
Un stel bekkers die met unne krintemik van un paar maeter door de bös sjouwde.
Maar good det d'r gen minse in de buurt woënde, die hadde ós veur maf verklaord.
Van de krintemik, veur deze kièr met gooj bóter besmaerd, woort aevegood met smaak gemiecheld nao den optoch.
Ut boerediner s'aoes waar netuurlik aangepas en booremoos met wors smak auk in augustus of neet.....
As "**Henriëtta en Elias**" zien we auk nog op huweliksreis gewaes naor Kwetsbühl in Oëstenrièk,
en ós "kinder" de twièling **Rapi en Dopi** zien inmiddels de deur oèt en woëne in ut boèteland.

Tiny en Hay dit is ein van de leuke herinneringe oèt de 50 jaor det ge same ziet.
Van herte proficiat met dit golde jubileum en we haope det ge same met de kinder, kleinkinder en de res van de femilie un gezellige broélof heb gehad.

Groetjes, Jacq en Elly van



Elswijk

